

爾爾書屋詩草

爾爾書屋詩草卷四

樂亭 史夢蘭 香厓

七言律

詠史詩

范蠡

五湖煙水任孤篷，霸越平吳事已空。  
文種不來徒伏劍，西施相伴亦藏弓。  
千金未得全驕子，七策虛勞作富翁。  
鑄像猶煩烏喙拜，漫將貨殖薄朱公。

商鞅

匆匆客舍亦堪傷詎識申韓作法涼故相勤勞慚五殺  
同朝唯諾聚干羊市門木徒羣情懾耕戰書成古制亡  
異日稱君豪傑士居然知已有王雱

蕭何

咸陽焚後盡凋殘圖籍先收計獨完第一功人惟轉餉  
無雙國士快登壇爲民請苑君猶忌盡室從軍帝始安  
不使東陵工畫策幾何覆轍不彭韓

周勃

錢穀刑名庶職分安劉獨策漢元勲士皆左袒誠云幸

業起吹簫本少文  
棘寺相知尊獄吏  
柳營兒不愧將軍  
洛陽年少偏遭嫉  
痛哭三閭楚水濱

樊噲

馬上君王逐鹿秋  
舞陽功業亦無儔  
鼓刀沛市興屠狗  
擁盾鴻門折沐猴  
韓信漫矜羞與伍  
呂嬖何事並封侯  
他年珠玉堂前散  
帶礪勲名付水流

董仲舒

志在春秋學有源  
下帷攻苦不窺園  
六經再造承秦火  
百子爭鳴護孔門  
聖主舉賢三策重  
驕王作相一儒尊

當年才俊推東馬畜以俳優敢並論

汲黯

道破君王假義仁一生慙直慣批鱗將軍長揖有斯客  
天子不冠猶避臣卧閣淮陽三月病發倉河內萬家春  
後來公輔多刀筆莫怪人材歎積薪

司馬相如

狗監功名賦子虛生平枉慕蘭相如文章橫世螭螟夢  
富貴驕人駟馬車自昔長楊曾諫獵何當封禪又遺書  
文君老去吟頭白自撫琴心恨有餘

李陵

辛苦居延百戰身登臺異地倍傷神  
龍門外已無知己麟閣中猶有故人飛  
將方期孫繼祖穹廬偏使壻稱臣  
隴西舊姓更元後分主中原竟百春

寇恂

河南河北幾經過河內勲勞最不磨  
蕭相守關應劉季蘭卿爲國屈廉頗  
受經禮重儒生聘廣惠財分故舊多  
遺愛至今留賴上寇難再借奈愁何

馬援

列宿雲臺入畫圖可曾持較伏波無少年已自羞錢虜  
晚節何緣誚賈胡大將勲名山聚米君王猜忌惹成珠  
倉皇馬革還屍日鄉里方乘款段駒

鄭康成

草痕青徧不其城通德鄉猶以鄭名絳帳三年稱弟子  
黃巾萬騎拜先生龍蛇肇歲賢人厄奴婢知書教澤宏  
墨守膏肓齊破癰煌煌經術冠東京

蔡邕

文章忠孝一生心千載琵琶抱恨深漢史不成空筆削

石經雖刻亦銷沈  
燃臍誤墜筵前淚  
焦尾真如爨下琴  
有女無兒尤可痛  
贖姬虛費老瞞金

孔融

爲愛中郎對虎賁  
少年好客酒盈尊  
大兒邁種禰衡友  
老子通家關里孫  
孔縱復生顏不死  
巢方經毀卵難存  
文章身後逢知己  
恩怨偏教出一門

管幼安

中原無地著清流  
遯左棲遲三十秋  
半世冰霜留破榻  
一帆風火護歸舟  
榮華早絕揮金日  
友誼誰貽割席羞



異代重翻人物論好將龍尾作龍頭

諸葛亮

南陽龍去鎖寒雲白帝城高幾夕曛不使將星沈五丈  
誰言漢鼎竟三分清吟慷慨懷梁父古墓荒涼弔定軍  
後主雖降膽尚死九京猶可慰忠勤

羊祜

緩帶輕裘氣度殊數年威信徧東吳二王當國多謠詠  
兩敵交歡泯詐虞地鑿甘令公折臂天寒不止帝霜鬚  
岷山魂魄登臨否墮淚碑前草已蕪

王濬

阿童勲業兆三刀  
帆指荆襄下萬艘  
火炬江明沈鐵鎖  
樓船風利破銀濤  
軍門自解降王縛  
殿陛誰爭大將勞  
鄧艾不還殷鑒在  
角巾歸第幾賢豪

王導

淚灑新亭半壁春  
神州戮力仗何人  
身肩江左夷吾任  
面障西風庾亮塵  
瓜葛一枰邀子共  
犢車九錫爲妻嗔  
君家三窟管誰手  
慙恨幽冥負伯仁

陶侃

爾爾書屋詩草

卷四

五

甓運衙齋博具沈法通法外意彌深借來官物討官賊  
惜到分陰加寸陰夢入天門偏折翼跡留營柳動成林  
孤兒亦有陶家母愧負當年截髮心

謝安

弔古誰登舊冶城遺墩未許後人爭  
基功妓奏東山樂草木兒驅北府兵  
掩鼻羣思工洛詠清言不盡誤蒼生  
他年江左來王儉猶慕風流宰相名

王羲之

一代書名萬古奇書名豈足蔽羲之  
激昂江左遺牋日

感慨山陰修禊時敢告母兄曾誓墓有佳子弟盡臨池  
少年早博牛心炙想像東牀坦腹姿

謝靈運

韓亡秦帝世潛移江左風流又一時康樂衣冠更舊制  
永嘉山水入新詩羈才未許登蓮社佳語惟聞夢草池  
信是文人成佛早維摩曾借數莖髭

曹景宗

比隣穰樂氣桓桓趙草城邊戰壘殘平澤秋高弓霹靂  
後房春暖錦團圓貴人何取如新婦天子猶能恕下官

競病吟成齊擱筆休文從此讓詩壇

庾信

文辭豈足當熊羆朱雀航頭枉覆師北地已慚周粟食  
南冠空作楚囚悲小園零落家何在枯樹飄搖感不支  
目極江關歸路絕淒涼一賦寄哀思

魏徵

一生嫵媚寓孤忠帝眷誰逾羊鼻公作礪君如金在鑛  
鑿形臣比鏡懸銅晉文竟抱懷羸恥管仲應難召忽同  
指點淩煙房杜外幾人學術本王通

李勣

長城何用築邊陲元老功從佳賊收割股啗人交誼重  
翦鬚和藥主恩優教兒常使懲驕泰選將先須卜咎休  
廢立中宮自家事卻將討武待孫謀

宋璟

鼎鼐勲名接杜房救時宰相恰同堂直如竹箭旌金筋  
賦到梅花豔鐵腸未許權門能召客豈容豎子竟呼郎  
於今誰是陽春腳遺愛碑爭記召棠

狄仁傑

手扶唐社不終移二十餘年忍辱時  
天后英明尊國老  
牝朝榮祿愧堂姨  
參苓藥在堪醫國  
桃李門多豈樹私  
折翼喚回鸚鵡夢  
五龍夾日浴咸池

張巡

強兵坐擁尙相環  
援絕糧空勢獨艱  
壯士南雷埋碧血  
孤城雀鼠泣紅顏  
殘軍未遂生吞志  
厲鬼應看殺賊還  
千載睢陽雙廟在  
賀蘭階下蝕苔斑

李泌

黃衣常倩白衣扶  
出入朝端總自如  
陷芋十年消宰相

摘瓜兩世護皇儲從來君相難言命如此神仙好讀書  
一事留侯應遜謝韓彭功大竟誅鋤

李德裕

視草中書午漏終坐朝袞袞見孤忠六箴獻宸宮廷肅  
萬里籌邊子弟雄水火竟從朋黨起家邦惟有夢魂通  
名花語鳥平泉宅搖落西風恨不窮

裴度

功成常戀午橋莊底事讒生第五岡日月文標韓吏部  
華夷名重郭汾陽北門卧護煩元老東洛投閒溷酒狂



莫怪浮沈全晚節太阿柄已屬貂璫

韓偓

鋪糟擬逐五湖船鳥雀聲悲意黯然鳳燭燒殘歸院日  
龍衣揮淚去朝年篋餘金縷心同繫集著香簌手自編  
最是草麻甘斷腕饒他鐵石寸心堅

王彥章

捷書三日報梁城陷陣猶如履棘行留豹甘爲名將死  
關鷄羞共小兒爭引繩殿上心何苦畫笏君前氣未平  
遺像模糊今在否鐵槍寺古暮雲橫

趙普

論語平生讀幾過  
借籌雪夜定山河  
勳名自出曹潘上  
恩怨終慙岸谷多  
顧命有書纔啟匱  
君王同氣竟操戈  
十瓶海物江南至  
措大經營果若何

曹彬

戒殺同焚一瓣香  
平生仁敬著疆場  
舉親猶有祁奚子  
傾橐曾無陸賈裝  
官好不須爲使相  
凱旋幾度縛降王  
功名早定兒童日  
俎豆干戈與印囊

王旦

斯人培植太平基  
望重君王目送時  
聖歎李沆真莫及  
駭知寇孽不須疑  
綠槐早兆三公貴  
黃閣誰嫌十載遲  
未了東封復西祀  
美珠偏誤赤松期

寇準

萬里台星隕瘴鄉  
孤忠天鑒竹重芳  
拂鬢不幸逢丁謂  
讀傳休輕議霍光  
鎖鑰有門資  
掌管樓臺無宅足  
徜徉澗淵孤注誰能再  
北狩倉皇憶靖康

范仲淹

出入身兼將相功  
勲名祇有魏公同  
一生憂樂共天下

數萬甲兵羅腹中面沃南都純土志膽驚西夏大臣風  
省親秋口遺蹤在百里雲山落照紅

狄青

將軍勇略萬夫雄立陣神人面飾銅自有韜鈴原左氏  
不將閼闕附梁公威宣野廟錢猶在醉奪重關酒未終  
軍令如山嚴禁把後來惟許岳家同

种放

終南高卧謝塵氛何事輕身出白雲藏用豈真求捷徑  
彥倫應亦愧移文豹林山水鍾名將龍閣風雷感聖君

千古山中幾宰相  
臯十奏意懇懇

包拯

不持一硯况其他  
廉潔方嚴果若何  
儘使兒童知待制  
誰能關節到閻羅  
周親犯法包容少  
黠吏移權變詐多  
盡孝定知隆色養  
漫云一笑比黃河

王安石

杜鵑聲裏怨聲酸  
何待流民畫裏看  
賣爾姦邪惟福建  
誤人經術在周官  
致君堯舜生多愧  
配享宣尼死不安  
篇有文章能壽世  
至今清議尚從寬

蘇軾

少年已慕范滂儔磨蠍休嗟命不猶北寺榆槐詩有案  
西湖楊柳姓常留氣凌洛下成三黨才出歐陽放一頭  
曾是先皇留宰相鴻泥誰使滯南州

岳飛

黃龍竟使願成空南渡江山半壁終從此兩宮沈朔漠  
憑將三字了精忠騎驢居士知幾早叩馬書生料敵工  
老檜分屍緣底事墓門千載吼悲風

文天祥

狀元宰相幾人存古誼忠肝莫比論南渡江山留正氣  
西臺風雨隕啼痕早拚碧血埋燕市豈有黃冠返故園  
再世猶逢多難日梅花嶺上孰招魂

趙孟頫

大都承旨拜新恩留葉賢愚且莫論半世功名元學士  
一家書畫宋王孫除奸如褫繇庵魄望帝誰招杜宇魂  
笠澤弁山佳勝在湖州遺老正扃門

于謙

晉國安危繫呂伯一腔熱血有誰知南宮復辟論功日

東市朝衣授命時  
饋馬君同鸛鵒辱無魚  
臣苦鷺鷥飢  
漫將于妾啜  
文曜閣黨乾兒較遜茲  
兵部侍郎項文曜媚附肅愍行坐不離時目爲于謙妾見明季小說

楊繼盛

上書侃侃瀝忠肝  
一疏爲難兩更難  
饋卻蚍蜉真有膽  
觸同獬豸不須冠  
詩書背爲幽囚廢  
枷鎖猶爭婦孺看  
記向松筠庵下拜  
一龕佛火照心丹

重遊九蓮庵

錦繡屏風四面開  
騎驢又逐白雲來  
夕陽峯影當窗落



細雨泉聲繞壁迴僧指瀑源穿樹杪雀爭殘果墜經臺  
青山如舊朱顏改醉向林齋醉一杯

壽畢雪莊師

半生未肯逐時流老去居然物外遊  
好酒但憑澆壘塊著書不盡爲窮愁  
東山絲竹中年感北苑丹青大筆收  
拋卻儒巾裁野服逍遙海上有仙洲

平瀾詠古十首

孤竹城高武墨台

音怡

清風臺下草離離  
心悲冊野麾旄

日道契荆蠻采藥時  
頑懦於今尙興起  
蔽蔽自古不充

飢浮棺遼水憐中子園子山前墓已夷

北伐遺蹤塞草迷春秋霸業溯青齊穴穿蟻子隰朋井  
神見俞兒卑耳溪無數峯巒連隴右依然渤海抱遼西  
今逢中外一家日三百餘年靜鼓鼙

碣石荒涼輦路虛祖龍曾此駐鑾輿東來蓬閣無仙藥  
西去輜輳有鮑魚入海雲迷徐福島封山碑記李斯書  
扶蘇死後長城壞空築邊牆萬里餘

指點南山縱獵秋漢家飛將跡長留世多壯士誰猿臂  
石有班痕尙虎頭百戰何堪重對簿數奇休怪不封侯

龍章軍使矜神勇出守平州但射彪

事詳唐書  
裴旻傳

不賣盧龍博列侯千秋高義說田疇數言已破公孫膽  
奇計能梟鬪頓頭路接白檀沈斷鏃城臨紫塞壓危樓  
劉處墓樹悲風吼疑是當年哭未休

海上吹漁說小苻慕容禍水竟何如已看國祚歸然藁

猶向宮廚索凍魚甘露荒涼埋鳳髻景雲彷彿想鸞輿

傷心最是平陵土誰復含辛淚滿裾

甘露景雲  
皆宮殿名

隴甲山高落木秋征遼功績已全休秦王島下江湖急

漢武臺前塞草愁

唐太宗親征高麗次  
漢武臺刻石紀功

煙閣已成千載

事海濤猶湧百重樓

海氣百重樓太  
宗觀海句也

可憐奚霫和親日

水到虛池咽不流

金宋山河幾戰爭女真王氣入南京  
增繆未返三州地

過海空攻九寨兵榆塞雲深埋戰骨  
栗林風急帶愁聲

張覺殺左金  
弓於栗林

殺降納叛同兒戲斷送君王五國城

春水依然繞御林長春宮殿久銷沉  
斜陽野淀花初落

暮雨妝樓鳥自吟雲樹常迷鴉鴨泊  
江山猶識鷓鴣音

金人好鷓鴣曲當年捺鉢今何處  
白草黃榆思不禁

變俗當年事渺冥  
姜墳傳說枕東溟  
魂歸滄海雲常黑

淚灑關城草不青  
鴈陣愁過望夫石  
龍輿幾上振衣亭  
從今莫奏崩城操  
塞上征人未忍聽

鄉捷

二十年來費苦吟  
秋風七戰始成擒  
信多李邵登科愧  
聊慰毛生捧檄心  
壯歲已驚消硯鐵  
家書共喜認泥金  
文章報國成何事  
空向殘編作蠹蟬

次泊頭

長隄驅馬逐行舟  
千里歸程問泊頭  
倦鳥遠投城外樹  
夕陽多戀水邊樓  
寒天把酒難成醉  
客路編詩半紀遊

野店夢回何處笛月明溪上起漁謳

法源寺

卽唐憫忠寺

寶塔巍巍插碧天琳宮深處斷塵緣  
花間風靜禽聲細壇上雲開樹影圓  
高閣遺經存漢譯古碑荒蘚沒唐年  
城邊尚有哀思墓法鼓空林散暮煙

讀史雜感

閩越咽喉詎等閒老羅幾載臥當關  
江無鐵鎖難偷渡師有金牌竟召還  
垂死偏宜投瀚海後來誰可定天山  
朝廷禦侮思頗牧太守雲中早賜環

征調年年爲備倭軍謀勦撫竟如何鯨濤肆虐紅毛衆  
虎帳談兵白面多別有賈船藏鬼蜮誰將巨劒斫蛟鼉  
救時宰相秦長腳仗策南來但請和

丁沽何爲撤雄藩竟使鯨鯢掣地翻爭服東方速死藥  
誰思南國未招魂黃金有隄藏珠貝綠野無堂及子孫  
偏是吞舟能漏網公然款段出都門

聞雞誰著祖生鞭擊楫中流莫讓先不見劉琨梟逆虜  
空傳楊僕駕樓船朝廷命將難膠柱草野輸軍敢惜錢  
自有漢家麟閣在功臣圖畫待何年

報捷頻傳羽檄過蠻煙偏未靖干戈尙方請劍朱雲少  
南海囊金陸賈多儒將騎豬工避賊悍酋束馬竟踰河  
羊頭羊胃加封徧不聽長安唱凱歌

專征親插侍中貂閫外安危仗聖朝奇計未聞陳曲逆  
戰功虛擬霍嫖姚三邊壯士誇超距五夜中軍闕舞腰  
西子湖光解留客樓船不下浙江潮

節制誰如細柳營漢人翻使夜郎輕張元入夏偏乘釁  
兀朮貪金慣背盟三載烽煙連鬼國諸天雷雨下神兵  
邊防自古嚴中外莫效東吳許借荆



海國艱難未莫居誰教徐悔更乘虛石填巨浸無靈鳥  
火起城門有涸魚杜老乾坤悲戰伐放翁身世付樵漁  
漢皇宣室方前席早上長沙痛哭書

東園獨坐有懷常職卿

秋入園林晚更宜豆棚瓜架倚欄時豬牙過雨肥添角  
馬乳經霜重壓枝蝶老寒花空寂寂蟲鳴黃葉漸離離  
何當月白風清夜共向亭前倒玉卮

壬寅秋偶檢書麓得前邑侯張雲巖先生七律四

章蓋壬辰去官時誌別作也聞公抵里卽赴道

山迄今已十年因成一律以誌感

不見雙鳬已十年偶逢遺蹟倍流連  
催租未礙陽城拙

解組還如賀監賢秦漢兩朝傳隸法

隸精分

雪泥六載寄

吟箋感恩空灑西風淚南北幽明各一天

余應童子試蒙喚入內堂

賜以茶果  
置列前茅

爾爾書屋詩草卷五

樂亭 史夢蘭 香厓

七言律

登澄海樓呈陸明府

第一雄圖據上游，西風鼓角動危樓。  
鯨濤東去三山渺，雞蹕南迴萬壘秋。  
作賦空餘王粲志，吟詩誰識杜陵愁。  
防邊防海須籌策，宵旰方勤未雨謀。

旅葵

太保曾聞戒旅葵，何緣異物競譁囂。  
重洋島嶼蝦夷聚，

上國金錢馬市銷自昔梯航通萬里於今干羽格三苗  
懷柔更議周婆禮海外原來有牝朝

常職卿以自遣詩見示不覺有動於中因廣其意

戒七律四章

北海之濱舊結廬東園松竹未應疏雲山壁上無聲畫  
風雨燈前有味書懶向雞蟲爭得失時將烏兔驗盈虛  
家居自爲鱸魚戀豈待秋風賦遂初

漫向胸中設問畦早知身外盡筌蹄事當棘手機須靜  
勞心自齊院僻荒苔隨意綠林深幽鳥盡情啼

蕭齋戲補王褒約煮茗熏鑪課小奚

歲月頻驚筆硯磨增年豈敢怨羲娥酒惟寄興無妨少  
書爲求溫轉怕多晴雪一窗花滿窖春風三徑竹成窠  
近來更得偷閒訣不中詩魔中睡魔

輸贏無處辨梟盧長短何勞問鶴鳧我輩惟應勤補拙  
世人每以巧成愚多歧漫泣亡羊路固守休尋待兔株  
打破蒲團與禪板聊將危坐學僧趺

重葺靜觀亭成有作

斗大茅亭十畝間安排欄楯倚柴關千重綠合連村樹

一抹青分隔縣山木爲架藤偏易朽草非防菜不教刪  
笑他營宅平泉者花鳥搜羅總未閒

哭陰子翼先生

文旌西去正東風譜入薰絃曲竟終

先生以正月十九日赴官平山至五

月初九日竟仙逝矣

命盡一官天亦酷魂歸千里夢應通彭殤理

可齊蒙叟得失機難問塞翁惟有立言堪不朽瓣香人

共祝南豐

奇行煌煌史筆垂千秋風教賴維持

所著女士奇行傳二卷表彰節孝真

有功名斯文欲墜先生重此老不遺後起誰晚節愁看

黃菊圃

將行族姪子企明經作序送之中引魏公老圃黃花之句蓋以晚節相規也

寒宵共

憶絳紗帷可憐一片東山石只繫羊曇泣後思

### 柬臧友山明府

仕路休嗟行路難出山須作在山觀紆他菑屋三分苦  
留我儒生半點酸祿可養親焉用富貧原非病况爲官  
早知甘雨隨車徧單父琴聲聽再彈

### 西山臥佛寺

娑羅樹色鬱龍蔥燠館涼臺曲曲通蓮沼暗分千澗水

竹亭虛揖四山風但能自在皆成佛

臥佛殿內有書得大自在銅額御

爾爾書屋詩草

卷五

三

蓋世  
廟筆也  
益信繁華本是空  
唐建明修盡陳跡  
浮屠依舊

夕陽紅

得魏鏡余同年

式會

書卻寄

時鏡余遊幕天津

杏花時節記逢君  
矮屋密密襪易分

庚戌會試在開中一晤卽別

共

羨風神同衛玠  
誰教科第困劉蕡  
信傳溟海霜前鴈  
夢繞津門日暮雲  
所至公卿應倒屣  
翩翩書記杜司勳

閒居書事寄常職卿

眠倦拋書出戶來  
春風滿院散香埃  
數竿綠竹葉初換  
一樹碧桃花亂開  
汲水先澆新菜果  
築山擬改舊亭臺



憑君共領閒中趣幾度呼童掃徑苔

郊行示倪生

清泉白石路條條竹杖機輟取徑遙兩岸苔痕黏馬跡  
平溪山影聚魚苗采樵路入斜陽樹上市人過淺水橋  
畫意滿前誰繪得憑君一幅寫生綃

四十自述

青燈常守舊煙蘿四十年華逝水過世路寒暄真意少  
名場馳逐後生多託身欲借鄉鄰地隨分皆成安樂窩  
屈指廿年何所事策勦強半在吟哦

出右安門遊小有餘坊遂至頤園訪萬柳堂匏瓜

亭故址

右安門外草如煙羣杜春風尺五天舊日樓臺頻換姓  
劫餘松檜不知年垂楊作絮雲情懶野水生紋雨點圓  
何處嬉遊貴公子翩翩橫路躍花韉

偏涼汀

千重煙樹抱迴汀徙倚闌干酒半醒日落松棚山店暝  
風回柳岸釣船腥硃砂洞在魚猶赤

相傳下有硃砂洞故藻鱗多赤

金碧樓荒草自青欲問

高皇全盛事殿前尙有

御碑亭

懷靈璧令才霽堂時粵匪大擾江南

數年烽火照江濱上將何時掃戰塵爲吏正逢多難日  
行軍誰是好謀人鄭陂水涸無青草楚壘雲深有碧燐  
知是黔黎依杜母秋風不忍憶鱸尊

聞河南寇警有懷武秋瀛進士時秋瀛以縣令需  
次於豫

相思無處問平安薄宦知君興已闌人過五旬催老易  
地當四達補官難鴉啼敗堰黃河漲馬踏空城白日寒

滿目干戈親舍渺望雲應有淚汎瀾

閒居書悶戲效皮陸體

半生蹤跡涸紅塵掉臂邱園學隱淪客到恰逢生酒熟  
忘多轉覺舊書新貴無燕市千金骨長愧曹交九尺身  
慙盡繁華成一笑舜英榮落只昏晨

一片殘陽挂柳枝綠陰滿地閉門時井痕雨漲泉添眼  
石色風乾蘚剝皮鳥爲啼多聲漸懶花當接後性先移  
從茲學作忘機者不向長安看奕棋

幽居日與世情疏獨有頭巾習未除小睡每耽朝飯後

閒吟多在晚鐘初  
屋留舊壘邀歸燕  
甕汲新泉療病魚  
卽此身遊懷葛上  
不須夢裏覓華胥

感事

無端鼙鼓徧江湖  
黼座朝朝望捷書  
寇似沸湯誰斷  
火民如短髮不禁梳  
地連西北山河壯  
力盡東南杼軸  
虛今日豈無醫國藥  
稀苓誤進痛何如

初秋感懷

薰風纔過起涼風  
日自西沈水自東  
繞屋叢篁三面綠  
向陽山果半顚紅  
逢秋客意憐梁燕  
入夜吟情伴砌蟲

自愧無才供世用憂時惟願祝年豐

次韻酬常職卿

數年同下董生帷歲月蹉跎感昔時  
置辯何須三尺喙養閒應借二分癡  
世間滋味刀頭蜜身外情緣藕眼絲  
衆醉原來不在酒從茲休泥衛公詩

職卿近日  
戒酒故云

再疊前韻

秋聲昨夜入簾帷正是西窗夢醒時  
孤枕涼颼蘇暑困半天晴日破雲癡  
溪明白鳥圍輕雪樹動青蟲墜細絲  
近日知君無別事靜研花露和陶詩

三疊前韻

寒氈仍守舊書帷漫爲浮名歎失時獻玉須防傷足禍  
藏珠應笑剖身癡蜘蛛礙路常牽網傀儡當場孰曳絲  
若得禿夫安樂法疊牋閒寫打油詩

贈盤山天城寺愷山上人

臥雲樓所居樓名下抱雲眠十載修持斷俗緣爲愛烟嵐收  
入畫善畫多栽花木恐妨禪維摩變相巖前石太古元音  
澗底泉愧我勞勞塵鞅裏至今未辦買山錢

春初偕常職卿楊魯田張蕭亭同赴公車余未及

終場與常楊兩君先出都作盤山之遊頗歎此行不負因過玉田旅邸留寄張黼亭

春風攜手上長安既到長安獨早還自喜今年勝往日得因便路看名山雲橫樓閣磬聲靜月上衣襟松影閑爲問霓裳同詠客可能有夢落孱顏

贈常職卿

癸丑公車至都聞寇氛甚熾遂不入關不應挑而回

求名何爲轉逃名匹馬春風別帝京有酒儘拚千日醉無官卻得一身輕愛儲藥餌非關病不廢詩書可代耕漫道吾儒無事業禽魚花木亦蒼生



過職卿書館賦贈

剝啄門前破綠苔，一尊懷抱爲今開。  
聯詩幸少催租吏，漚酒幾無避債臺。  
靜裏我時聞笛起，客中君復借花栽。  
貴人合是閑人作，漫道簪纓勝草萊。

多恐閑人是貴人，晚唐人句也。

贈溪叟

溪山深處結松蘿，業老漁樵雨鬢皤。  
雙澗抱門秋洗藥，一竿衝雨夜披蓑。  
能詩定似胡釘鉸，種樹應逾郭橐駝。  
我欲卜鄰在何日，釣徒衙亦署烟波。

感汴梁事

千里烽煙入汴州孤城風雨挾奔流放倉粟朽山空在

官渡臺傾骨未收波谷妖氛餘郭太吳興神騎助蕭猷

近聞陶侃移營壘作賊休教到白頭

時勝克齋侍郎奉詔移營河南

示泰兒二首

篇中俱用四子書欲其卽所素習者時加提撕也

自古當仁不讓師固而不學竟誰欺後生可畏因來者

肅子有歌其聽之志道何須恥衣食無恆難以作巫醫

憂兒卽在勞兒處此意惟期兒輩知

聖賢強半出憂患苦志勞筋莫放寬子孝當思憂疾意

人生最是守身難友非益者防三損物有萌焉戒十寒

悅樂俱從時習得鄙哉求飽復求安

九月八日陪張心航劉靜齋二廣文登陽山

青山一帶畫屏張乘興登臨喜欲狂小徑繞村枰畫界  
亂泉戛石珮鳴璫預斟薄酒酬佳節共喜名流聚異鄉  
遙憶故園籬菊放家人明日作重陽

謁蔡襄敏公墓

歸然古墓瞰清瀾石馬縱橫半欲殘澗口沙平馴犢臥  
嶺頭風勁野鷹盤千秋吉壤歸名將一代貞珉出宦官  
相傳墓傍華表碑  
俯仰遺蹤無限意四圍山色對憑欄  
碣爲魏闕故物

辛亥夏閩邸報有感寄廣西方伯勞辛咳師用杜

工部諸將五首韻

桂林猶有限巒山萬里封疆虎據關不分金戈連徼外  
空留銅柱插雲間籌邊老將頭應白破敵孤城血正殷  
巨寇雖殲餘孽在大臣未敢解愁顏

節鉞閒藩百粵城

天恩新假撫軍旌

時以藩司護  
大中丞篆

窮

追漫使鄰爲壑縱掠須防寇借兵大將聲名隆北闕

時向

軍門蒙

賜霍

書生韜略出西清

先生以翰林出守  
平陽府升今職

渡

欽巴圖魯名號

河留守方銜憤扶眼潮陽望賊平

謂林少保也粵西賊  
起詔起公督師力

疾馳道卒  
於潮州

昨聞黔楚尙傳烽

時調黔楚兵  
赴粵西剿匪

羽檄紛紛報

九重半

載潢池遭豕突千尋京觀待鯢封受降定可三城築轉

餉難辭萬里供安得泰山賢太守盡驅蛾賊罷歸農

爭道將軍識賊標炎天兵氣漸全消風吹五嶺開煙瘴

雨洗三江見沈寥算定能撿負隅虎令嚴豈有漏師貂

迴籌自古憑帷幄好勵忠勤答

聖朝

凶年多逐大兵來黔首存亡總可哀軍士沙蟲埋廣漠  
將官星宿動雲臺會除外患苞三葉共酌中衢酒一杯

須識芳良皆赤子薦書珍重牧民材

送楊魯田學博之任邢臺

北風吹雪墜庭柯聞道君行喚奈何  
廿載論交惟我重一官捧檄爲親多  
門牆化雨滋桃李猿鶴空山守薜蘿  
他日相看應笑問鬢邊毛髮讓誰皤

喜常職卿歸自遼東

日上庭柯散曉鴉忽聞門外駐輕車  
紀遊快覩新詩草埽徑同尋舊種花  
千里雲山曾入夢一年風雨幾思家  
所嗟戰伐乾坤改相對蒼茫歎繫瓜

和史君牧見贈原韻

北風作勢小寒初忽報魚面到敝廬交誼豈關投綰紉  
華宗何幸附簪裾論文膽識輸君壯用世才猷媿我疏  
爲問一甌今備否借書幾日又還書

君嘗假閱藏書故戲及之

莫歎長才屈幕賓卻從忙裏得閒身翻雲覆雨無常局  
明月清風最可人鄉夢幾回縈溧水詩名從此噪灤濱  
明年花發東園日載酒還期共賞春

前詩旣成尙有未盡之意因復追步二首

投契曾懷邂逅初長將真面守匡廬客途失意休彈鋏

當路求賢定攬裾  
肝膽惟知朋輩向  
炎涼不礙世情疏  
名山自有千秋業  
黃葉聲中好著書

廿載侯庭作上賓  
老來猶是苦吟身  
淤泥不染花君子  
色味能清酒聖人  
蹤跡浪浮遼海上  
風煙愁望越江濱  
胸中冰炭須消盡  
良友相逢一笑春

三疊前韻呈君收

靜裏乾坤似太初  
蕭然村巷掩蓬廬  
淵明望益時開徑  
溫嶠娛親敢絕裾  
火爐熏鑪知夜永  
日烘煖閣愛窗疏  
世間魑魅看來慣  
欲廢東方罵鬼書



人世相遭孰主賓百年同是夢中身  
韋弦佩在須觀我  
荊棘心清漫惱人  
文字恢奇思海外  
雲煙變滅任天濱  
幾多生意冰霜裏  
笑看梅花已逗春

君牧和焦笠泉給諫冬夜偶占二律稱原詩有遺  
榮之意因四疊前韻率臆和之

久聞才調邁黃初蚤歲承明謁  
帝廬玉尺量材歡白  
屋君屢主文衡  
繡衣秉簡肅朝裾  
家能濟美推三孔  
身欲辭

榮效二疏到底江湖心魏闕  
臨軒方問弱侯書

干羽方期化不賓那容雲外乞  
閔身官辭  
北闕緣將

母望重東山待濟人千首題襟追漢上

君詩集甚富近在灤署唱和尤

多兩年浮宅滯河濱從知龍塞陽回早盡作先生杖履

春

近方病是故云

### 溫泉廟

道院深深闢浴堂溫泉曲曲瀉方塘到來每覺羞塵面  
滌去應教換熱腸掃地雲橫蒼竹影隔牆風送白蓮香  
聖朝不好流連樂免作華清十六湯

### 山居落成

千峰匝匝萬松青小築巖腰俯北溟未有樓臺誇傑構

但憑花木作圍屏地高雲氣穿窗入雨過泉聲伏枕聽  
樵牧從茲皆伴侶相邀礪谷剛參苓

戲作

茫茫萬劫此乾坤浮世功名總莫論蛙不在官誰給廩  
鶴焉能戰漫乘軒樊籠困我蜂鑽紙冷暖因人蝨處禪  
不是窮途安用哭一聲長嘯上蘇門

六十自述用四十自述韻

槐安一夢繞檀蘿周甲光陰眨眼過紫陌春花新景換  
青山宿草故人多涉園幸未荒松徑築室何妨號茶窩

最喜同堂今五世壽章閒向北堂哦

東便門外二閘泛舟

瓜皮小艇泛春渠正是東風拂面初雨打樹腔驚蟄燕  
冰消澤腹散寒魚一彎碧草方侵履九陌緇塵尙染裾  
遙憶村居灤水上正堪挾策灌園蔬

題張扶旭十二辰畫冊

鼠

一生肯蓄託瓜壺辨字應知鄭璞誣不謂穿塘同屋雀  
須防憑社似城狐兩端自誤功難就五技雖多用卻無

我欲借鬚纏作筆牡丹花下畫狸奴

牛

桃林飽臥草穆穆引重耕田事舊諳齊易羊知非愛一  
葛聞犧辨是生三火明師逐燕人北石爛山歌甯戚南  
希寵漫誇文繡貴當年丑座尙懷慚

虎

澗泉瀟瀟石磷磷血吻模糊欲噬人入穴誰能攫彼怒  
渡河猶解感吾仁威容狐假須防褻質僅羊存詎似真  
傳翼那堪飛食肉願隨馮婦逐車塵

兔

超超名傳東郭魏雌雄相伴倍相親  
秋風鷹犬迷三窟明月蟾蜍共一輪  
株守自慚心計拙蹄忘轉覺道機真  
褐衣缺口殊寒儉別有先生號補脣

龍

春霆殷地挾雲行倒捲黃河入紫清  
無欲豈爲劉累豢真形偏使葉公驚  
登門變化誇燒尾破壁飛騰怕點睛  
高臥南陽誰喚起好憑霖雨潤蒼生

蛇

入山誰解喚升卿。絕壑風來古木平。虺夢祥占生女兆。  
荻洲人識寄奴名。感恩不忘啣珠報。無事何須打草驚。  
多少杯弓成幻影。掃除疑慮寸心清。

馬

紛紛騶驥共驅馳。汗血功高感遇時。致遠不妨蠅附尾。  
驚人何待虎蒙皮。九方甄去無知己。千里駒生便不羈。  
寄語長材休短馭。宮中捕鼠讓家狸。

羊

細肋柔毛臥淺沙。夕陽簑笠傍林斜。閒供宰相粧芳草。

戲向兒童駕小車作宦漫誇皮五穀追亡常誤路三義  
收狴尙憶蘇卿節十九年留北海涯

猴

叢爾形骸認棘端袁公劍術等閒看束身不受周公服  
胡面應羞楚客冠千歲蟾蜍工變化一時騏驥保平安  
相憎漫續王孫賦舊是唐家供奉官

鷄

花間獨立氣昂然喚醒夢夢昧旦前好鬪曾傳王勃檄  
聞聲誰著祖生鞭關關面谷人潛度宅拔淮南犬共仙



漫道雄飛勝雌伏翰音畢竟不登天

狗

茸茸階下綠茵披如豹聲消日上時表異無須頭有角  
不驚常使足生釐旅葵舊著周王訓功狗同扶漢室基  
我愛相如名犬子文章橫厲比螭螭

豬

木蘭橋畔食同牢子母相將競哺糟養徧五門聲嘍嘍  
生當四月腹饔饔定妻未洗夫人恥害稼難容懶婦豪  
莫怪家家重烏鬼烏金索價本來高

聞道

聞道君王罷露臺九重恭儉惜民財  
里方七十同文囿富數三千陋衛  
驂讀賦無端來趙鬼獻諛終未賜  
雷開杞人素抱憂天志不覺懼聲  
動草萊

曾文正公輓詩二首

中興事業出儒生附翼攀鱗萃衆  
英撥亂頓教寰海靜撐天何意泰  
山傾程朱學術天人備韓范勳名  
將相并杞梓梗枿歸大匠楚材端  
賴一人成

駐節畿疆化雨流授餐適館爲賢  
優衆中遇我偏青眼

晚歲逢公已白頭桃李新陰幾名世  
貔貅舊隊半通侯  
荒阡自灑龍岡淚望古深慙六一歐

東光晚泊

連日征帆困石尤東光城外又淹留  
前途迢遞三千里

舊夢依稀四十秋

道光庚子秋捷後省親於東光學署今恰四十年矣

東岱碑尋

秦漢字西湖酒載桂蘭舟此行合襲當年句  
客路編詩

半紀游

昔歸自東光  
嘗得是句

魏仲儀

清鳳

招飲湖上滙泉寺

重來湖上款僧樓載酒尋芳事事幽  
野水淡搖新柳碧

遙山紅帶夕陽浮人逢舊雨多情語天假和風濟勝游  
連日大風是日少霽爲有詩魔降不得苦吟先使病魔收  
是日余適小極

劉伶墓

天生此老酒爲名荒冢何人醉醪醕塵世盡成千古醉  
先生應向九泉醒寒天衣狗浮雲幻驛路風沙宿草零  
荷鍤誰能同作達眼前無數亂峰青

光緒八年四月廿九日七十初度率成一律以酬  
同學諸子祝嘏之意

駒光迅駛似梭穿甲子重周又十年眼底有書堪破寂

胸中無事卽遊仙兒孫共舞庭前綵山水常留世外緣

漫道壽人天自壽

此所贈壽言中語

老樗木以不材全

梅小樹以中秋對月詩見示詞多悽楚似非老人

頤養所宜因步韻和之以廣其意

雞肋浮名一笑捐但憑詩酒送餘年圖書伴我饒真味

魚鳥親人亦夙緣變滅須知雲是幻團圓那見月常圓

鼓盆解得莊生意鏡裏孤鸞漫自憐

君夫人以去歲新逝

飽嘗世味苦兼辛百歲光陰一欠伸世界花花如泡影

古今草草幾勞人撫絃自喜琴鳴志衝斗應知劒有神

願與羅浮同夢隱

君自號羅浮夢隱

鍊成仙骨峙嶙峋

次韻和游予代廉訪入蜀三首

秋風旌旆指秦川  
萬里蠶叢遠接天  
布政誰承諸葛後

開疆直溯五丁前  
西陲地靜烽煙息

北闕恩深日

月懸報

國此身憑老健  
養生無藉寄羊鞭

三年別思幾腸回  
忽覩瑤函笑口開  
垂老光陰偏迅速

每懷疇昔轉低徊  
新猷共仰文翁化  
舊部還思召父來

天下蒼生胥繫望  
一隅康阜豈徒哉

歸田漫欲遂初衣  
無限黔黎託末暉

主眷方從今

日重臣年敢惜古來稀立祠合配樂公社

永人爲公立  
長生祿位

輸粟能紓晉國饑

去年永平大水公自  
蜀捐三千金以賑之

它日朝天應

賜宴會看湛露詠陽晞

赴定州王文泉之約中道而返卻寄

中山舊約已經年未到中山竟早還我向煙波尋釣叟

留連西淀  
者數日

君搜典籍爲鄉賢

時方輯畿  
輔叢書

望徐久設南州

榻訪戴虛乘剡水船他日書成同汲古定應惠寄百瑤

編

沾上贈王竹舫

相逢一笑各掀髯歲月難留過隙駒碣石雲山勞夢想

碣石話舊轉瞬已數年矣

蜃樓人物入虛無

到紫竹林見廬舍人民幾疑入蜃樓海市中心

目爲之惘恍

循名定使

皇仁廣

時襄辦廣仁堂事

匡俗先將正

教扶多少窮民胥待告蒼生霖雨在吾徒

讀史二首

趙括猶難恃父書何須敵國聘孫吳木牛流馬皆餘技

緩帶輕裘乃鉅儒遷地豈能誇魯削素餐還恐濫齊竽

曹兵曾畏南陽葛未向西川學陣圖

大道生財列十章疾舒衆寡費衡量致平未可拘官禮



富國何容任孔桑自昔錢源通貨幣誰家礦禍起貂璫  
利權漫付波斯賈債帥還愁有債王

河間牛萼峰林江蘇張午亭師榮以求詩見訪津

門舟次

行蹤到處有逢迎明月清風共此情匡鼎說詩無妙解  
陳遵驚座只虛名老來志趣宜農圃閒裏生涯課雨晴  
文字故交零落盡又從萍水訂同聲

感事

乾坤自古盡葫蘆造物爭新竟破觚戰國衡從翻異局

地與面背關通塗朝紳遠作紅毛客市賈深藏碧眼胡  
變夏變夷渾莫解衣冠王會漫陳圖

續刻永平詩存感賦

又輯遺編付手民一爲欣慰一酸辛唱酬半是同聲友  
刪拾端資後死身敢謂深仁同掩骼聊憑薄力效披榛  
采薇歌歎風詩渺尙望輶軒問俗人

清聖采薇歌當  
是吾鄉風首

偶成三首

落絮飛花墜澗茵幾多後果與前因三生未種神仙福  
百歲空餘傀儡身自古興衰歸大造無邊風月付閒人

乾坤旋轉憑誰力容我昇平作幸民

時事悠悠馬耳風半生心跡付冥鴻公車懶上三千牘  
春服歡攜六七童兔走烏飛何日駐盧贏雉訓總成空  
流光自識無多少笑聽人稱瞿鑠翁

鵝笑鵬搏各等觀春來秋去總無端飽諳世味肱三折  
細數前塵指一彈守分敢希非分福怨天須識作天難  
北窗高卧羲皇上過眼浮雲倚枕看

和楊香吟見贈原韻

魯國諸生半在門

君以親老不仕主書院講席者數十年

春風滿座共琴

樽絳帷高弟推徐庾

謂徐台州諸君

黃絹才名壓李溫我爲逢

時慚術拙君真不仕得身尊

身由不仕尊放翁句也君取以贈我此語恰可轉贈

詩筒遞到盈川句王後盧前合並論

光緒丁亥因年力就衰以家務分付兒孫感賦

逝水光陰去不停古稀已過又頻增入年色笑避慈

母五嶽遨遊負勝朋

余嘗欲爲湖嶽之游時桐城方存之致書於南中朋好屬爲照拂代

作湖山主人意甚盛也乃行未及半竟因嗽而返至今悵惘

尙有田園供嘯傲敢將

賢達望孫曾蒲團穩坐身無縛此後眞爲退院僧

己丑二月梅小樹以歲暮見懷之作寄示因作此

以答其意

年來年去似梭穿畢竟增年是減年悟我曾元皆幻影  
余近見元孫相知者皆爲我賀然  
人生一幻影耳此亦何必認真  
感君文字有前緣巢  
由稷契難同傳天壽窮通總在天寄語古今一邱貉願  
留老眼看滄田

庚寅晉兒登第余攜兒孫俱朝服拜墓誌喜卽以  
勗之

一門金紫 聖恩叨闕閤增崇漫自高作宦每嗤貂  
續尾有文方稱鳳生毛家風莫使成紈袴士品端宜勵

不刊言卷之三  
三  
組袍六月孤兒沿世澤誰知母氏舊劬勞

庚寅重游泮宮賦贈新進諸生

白頭無計可還童又逐時髦入泮宮自昔襦衫稱弟子  
於今領袖屬衰翁承先尙冀孫傳硯到老難忘母折蓂  
不道桑榆成晚景夕陽猶並旭光紅

五朝人物散雲煙回首蒼茫海變田難向膠庠尋舊侶

好憑文字結新緣詩名愧我輪袁趙

袁簡齋趙甌北俱重游泮宮袁在七

十二趙在七十九

壽算從人頌偃錢二十三科老鄉薦諸君可

許喚同年

自道光庚子至光緒己丑  
應京兆試共二十三科

辛卯七月十六日順天學使周生霖侍郎以學行

疏薦奉

硃批賞加四品卿銜紀恩卽以

誌愧

綸音驀地賁柴荆自顧行藏意暗驚  
啖到虛名皆畫餅拾來餘慧總塗羹  
朝廷本爲風聲樹鄉里難寬月旦  
評所幸儒酸有眞面龍鍾仍舊一書生

臣今羣矣役無能樛朽何堪寵命膺  
不望安車隨計

吏或緣虛位恕竇丞隱居久作南山豹  
壯志全消北海

鵬漫向清班爭冷煖

卿舊有冷煖  
睡飽之

署銜深愧一條冰

爾爾書屋詩草

卷五

三

又戲成二絕

白髮重寒津水香頭銜今又沐 恩光它年寫入銘  
旌上多費泥金字幾行

官階非假亦非真同是邯鄲夢裏人從此卿卿應笑  
喚阿戎休向老妻嗔

老境

堂堂歲月去無端蔗味雖佳食已殘把臂早驚同輩少  
談心思見故交難鬢眉變易慵窺鏡肝膽輪囷尙據鞍  
堪笑人皆敬而遠相逢幾作鬼神看